

FILIPPENSE 4:4

"Wees altyd bly in die Here! Ek herhaal: Wees bly!"

ROMEINE 5:8

"Maar God bewys sy liefde vir ons huis hierin dat Christus vir ons gesterf het toe ons nog sondaars was."

PSALM 121:1-2

"Ek kyk op na die berge:
waarvandaan sal daar vir my
hulp kom?
My hulp kom van die Here wat
hemel en aarde gemaak het."

GALASIËRS 5:22-23

"Die vrug van die Gees,
daarteenoor, is liefde, vreugde,
vrede, geduld, vriendelikheid,
goedhartigheid, getrouheid,
nederigheid en selfbeheersing."

JOSUA 1:9

"Ek self gee jou die opdrag.
Wees sterk, wees vasberade.
Moenie skrik nie,
moenie bang wees nie,
want Ek, die Here jou God,
is by jou oral waar jy gaan."

EFESIËRS 4:32

"Wees goedgesind en hartlik teenoor mekaar, en vergewe mekaar soos God julle ook in Christus vergewe het."

JOHANNES 14:6

"Jesus het vir hom gesê:
"Ek is die weg en die waarheid en die lewe.
Niemand kom na die Vader toe behalwe deur My nie."

PSALM 118:24

"Dit is die dag wat die Here gemaak het; laat ons daaroor juig en bly wees."

PSALM 119:10-11

"Ek wil aan U gehoorsaam wees met my hele hart,
laat my nie awyk van u gebooie nie.
Aan u beloftes hou ek vas,
dit weerhou my van sonde teen U."

1 KORINTIËRS 10:31

"Of julle eet en of julle drink of wat julle ook al doen,
doen alles tot eer van God."

MEMORISEER BYBELVERSE

MATTEUS 22:37-38

"Jy moet die Here jou God liefhê met jou hele hart en met jou hele siel' en met jou hele verstand. Dit is die grootste en die eerste gebod."

JESAJA 40:31

maar dié wat op die Here vertrou, kry nuwe krag. Hulle vlieg met arendsvlerke, hulle hardloop en word nie moeg nie, hulle loop en raak nie afgemag nie"

JESAJA 26:4

"Vertrou altyd op die Here, want die Here God is 'n veilige toevlug."

NUMERI 6:24-26

"Die Here sal julle seën en julle beskerm; die Here sal tot julle redding verskyn en julle genadig wees; die Here sal julle gebede verhoor en aan julle vrede gee!"

SPREUKE 3:5

"Vertrou volkome op die Here en moenie op jou eie insigte staan maak nie."

1 PETRUS 5:7

"Werp al julle bekommernisse op Hom, want Hy sorg vir julle."

JESAJA 41:10

"Moenie bang wees nie, Ek is by jou, moenie bekommert wees nie, Ek is jou God. Ek versterk jou, Ek help jou, Ek hou jou vas, met my eie hand red Ek jou."

PSALM 56:4-5

"Die dag as ek bang word, vertrou ek net op U. In God, wie se woord ek prys, in God stel ek my vertroue, ek is nie bang nie. Wat kan 'n blote mens aan my doen?"

JEREMIA 29:11

"Ek weet wat Ek vir julle beplan, sê die Here: voorspoed en nie teenspoed nie; Ek wil vir julle 'n toekoms gee, 'n verwagting!"

HEBREËRS 13:8

"Jesus Christus is gister en vandag dieselfde en tot in ewigheid."